



Na osnovu člana 8. Zakona o finansijskom upravljanju i kontroli u javnom sektoru u Federaciji Bosne i Hercegovine ("Službene novine FBiH", broj: 38/2016), ministar saobraćaja Kantona Sarajevo d o n o s i

PROCEDURE ULAGANJA U STALNA SREDSTVA DRUGIH PRAVNIH LICA

I OSNOVNE ODREDBE

Član 1.

Ove procedure sadrže upute o ulaganju Ministarstva saobraćaja Kantona Sarajevo (u daljem tekstu: Ministarstvo) u stalna sredstva drugih pravnih lica.

Ulaganja iz prethodnog stava ovog člana odnose se na sredstva koja Ministarstvo ulaže radi izgradnje saobraćajnica na području Kantona Sarajevo koje predstavljaju javno dobro-javne ceste.

Ulaganje u nabavku stalnih sredstava koje predstavlja javno dobro je pravo korisnika budžeta ograničeno visinom raspoloživih sredstava, kao i odredbama propisanim Zakonom o eksproprijaciji Federacije BiH ("Službene novine FBiH", br. 70/2007, 36/2010, 25/2012, 8/2015 - odluka US i 34/2016), kao i drugim propisima koji se odnose na nabavku i plaćanje stalnih sredstava.

II POSTUPAK ULAGANJA

Član 2.

Zavod za izgradnju Kantona Sarajevo daje prijedlog i upućuje zahtjev za eksproprijaciju zemljišta općini na čijem području se gradi saobraćajnica, da u ime i za račun Kantona Sarajevo – Ministarstvo saobraćaja – Direkcije za puteve, izvrši eksproprijaciju zemljišta i nekretnina radi izgradnje saobraćajnice.

Nakon provedene procedure iz prethodnog stava nadležni općinski organ donosi rješenje o eksproprijaciji zemljišta i isto dostavlja Direkciji za puteve koja je upravitelj cesta u Kantonu Sarajevo.

Član 3.

Nakon okončanja postupka iz člana 2. ovih Procedura, Direkcija za puteve dostavlja predmet Ministarstvu na plaćanje, uz popratnu dokumentaciju.

Dokumentaciju iz prethodnog stava čini:

- rješenja o eksproprijaciji nadležne općine,
- zapisnika o usmenoj raspravi sačinjen od strane općine,
- rješenje općinskog suda o eksproprijaciji,
- nalaz i mišljenja sudskih vještaka,
- zemljišnoknjižni izvadak
- ostala dodatna dokumentacija specifična za pojedine predmete.

Ovlašteno lice iz Sektora za ekonomske poslove, planiranje razvoja i realizaciju projekata u Ministarstvu, pregleda cjelokupnu dokumentaciju i poslije ocjene da je ista kompletna, priprema nalog za plaćanje.

Nalog za plaćanje potpisuje ministar saobraćaja.

Potpisani nalog se upućuje se Ministarstvu finansija Kantona Sarajevo na plaćanje.

III EVIDENTIRANJE I KNJIŽENJE ULAGANJA

Član 4.

Ministarstvo poslije izvršenog plaćanja naloga, obrascem 3 knjiži ulaganje u tuđa sredstva.

Evidentiranje navedenih sredstava vrši se u Glavnoj knjizi Ministarstva kao ulaganje u tuđe sredstvo, obzirom da ne postoji propis o kategorizaciji cesta Federacije Bosne i Hercegovine, na osnovu kojeg bi se utvrdio upravitelj javne ceste.

IV ZAVRŠNE ODREDBE

Član 5.

Ulaganja u sredstva drugih pravnih lica će biti evidentirana u Ministarstvu do donošenja propisa o kategorizaciji cesta Federacije Bosne i Hercegovine, a prema kojem će se odrediti upravitelj javne ceste na kojeg će sredstva biti prenesena.



Cjelokupna dokumentacija kojom raspolaže Ministarstvo će biti ustupljena nadležnom upravitelju.

Član 6.

Ove Procedure stupaju na snagu danom donošenja.

Broj: 04-45-30117/24

Sarajevo, 24.05.2024. godine

